



**অতিরিক্ত সংখ্যা**  
**কর্তৃপক্ষ কর্তৃক প্রকাশিত**

বুধবার, এপ্রিল ১৮, ১৯৯০

গণপ্রজাতন্ত্রী বাংলাদেশ সরকার

নৌ-পরিবহন মন্ত্রণালয়

বঙ্গর উন্নয়ন শাখা

**প্রজ্ঞাপন**

ঢাকা, ৩১শে চৈত্র, ১৩৯৬/১৪ই এপ্রিল, ১৯৯০

নং এস, আর, ও ১৫৩-আইন/৯০-ডক শ্রমিক (নিয়োগ-নিয়ন্ত্রণ) আইন, ১৯৮০ (১৯৮০ সনের ১৭নং আইন) এর ২৩ ধারাতে প্রদত্ত ক্ষমতাবলে সরকার নিম্নরূপ বিধিমালা প্রণয়ন করিলেন, যথা :—

১। সংক্ষিপ্ত শিরোনামা ও প্রয়োগ—(১) এই বিধিমালা ডক শ্রমিক পরিচালনা বোর্ড (মংলা) কর্মচারী ভরণ ভাতা বিধিমালা, ১৯৯০ নামে অভিহিত হইবে।

(২) ইহা বোর্ড এর সকল কর্মচারীর প্রতি প্রযোজ্য হইবে।

২। সংজ্ঞা—বিষয় বা প্রসংগের পরিপন্থী কোন কিছু না থাকিলে, এই বিধিমালায়:—

- (ক) “উপযুক্ত কর্তৃপক্ষ” অর্থ এই বিধিমালার অধীনে কোন ক্ষমতা প্রয়োগ বা দায়িত্ব পালনের উদ্দেশ্যে বোর্ড কর্তৃক নিযুক্ত কর্মকর্তা,
- (খ) “বোর্ড” অর্থ ডক শ্রমিক (নিয়োগ-নিয়ন্ত্রণ) আইন, ১৯৮০ (১৯৮০ সনের ১৭নং আইন) এর অধীনে প্রতিষ্ঠিত ডক শ্রমিক পরিচালনা বোর্ড, মংলা,
- (গ) “কর্মচারী” বলিতে বোর্ড এর যে কোন কর্মচারীকে বুঝাইবে এবং একজন কর্মকর্তা বা শিকানবিস ইহার অন্তর্ভুক্ত,

( ৩৫২৯ )

মুদ্রা: ৬০ প্রয়োগ

- (৩) “কিম্বোবিটার ভাতা” অর্থ বিধি ৪(৪) এ নির্ধারিত কিলোমিটার ভাতা,  
 (৪) “দৈনিক ভাতা” অর্থ বিধি ৫এ নির্ধারিত দৈনিক ভাতা,  
 (৫) “পরিবার” অর্থ কোন কর্মচারীর স্ত্রী বা স্ত্রীগণ বা ক্ষেত্রমত স্বামী এবং উক্ত কর্মচারীর উপর সম্পূর্ণভাবে নির্ভরশীল পুত্র, অবিবাহিতা বা বিধবা কন্যা, পিতা-মাতা এবং মৃত পুত্রের স্ত্রী বা স্ত্রীগণ ও সম্মান সম্বন্ধি,  
 (৬) “ব্যয়বহুল স্থান” অর্থ ঢাকা, চট্টগ্রাম, খুলনা ও রাজশাহী পৌর এলাকা,  
 (৭) “ভ্রমণ” অর্থ বোর্ড এর কার্য পালনের উদ্দেশ্যে বা উহার স্বার্থে ভ্রমণ,  
 (৮) “ভ্রমণ ভাতা” অর্থ এই বিধিমালার অধীনে প্রদেয় আর্থিক সুবিধাদি,  
 (৯) “হেড কোয়ার্টার” অর্থ উপযুক্ত কর্তৃপক্ষ কর্তৃক ভিন্ন ভাবে নির্ধারিত না হইলে, সংশ্লিষ্ট কর্মচারী যে কার্যালয়ে কর্মরত সেই কার্যালয়।

৩। কর্মচারীগণের শ্রেণী বিভাগ—ভ্রমণ ভাতার প্রাপ্যতা নির্ধারণের উদ্দেশ্যে কর্মচারীগণকে নিম্নবর্ণিত শ্রেণীতে বিভক্ত করা হইবে, যথা :—

- (১) ক-শ্রেণী—সংশোধিত নূতন বেতন স্কেলের ১৬৫০—৩০২০ বা তদুর্ধ্ব স্কেলের সকল কর্মচারী,  
 (২) খ-শ্রেণী—ক শ্রেণীভুক্ত কর্মচারী ব্যতীত অন্যান্য এমন সকল কর্মচারী বাছাদের মূল বেতন সংশোধিত নূতন বেতন স্কেলে ১২৫০ টাকার কম নহে,  
 (৩) গ-শ্রেণী—ক, খ ও ঘ শ্রেণীভুক্ত কর্মচারী ব্যতীত অন্যান্য সকল কর্মচারী,  
 (৪) ঘ-শ্রেণী—এম, এল, এস, এস এবং সমপদমর্যাদা সম্পন্ন কর্মচারীগণ।

৪। বিভিন্ন প্রকার যানবাহনে ভ্রমণের জন্য ভ্রমণ ভাতার হার—রেলপথ বা স্ট্রীমারে ভ্রমণের ক্ষেত্রে কর্মচারীগণ নিম্নরূপ শ্রেণীতে ভ্রমণ করিবার এবং নিম্নবর্ণিত হারে ভাতা পাইবার অধিকারী হইবেন :—

কর্মচারীর শ্রেণী	ভ্রমণের শ্রেণী	ভ্রমণ ভাতা
(ক)-শ্রেণী		
(১) সংশোধিত নূতন বেতন স্কেলের ৩৭০০—৪৮২৫ টাকা বা তদুর্ধ্ব বেতন ক্রমভুক্ত কর্মচারী।	শীতাতপ নিয়ন্ত্রিত শ্রেণী এবং উচ্চরূপ শ্রেণী না থাকিলে নিম্নতর উচ্চতম শ্রেণী।	প্রকৃত ভাতা, আসন সংরক্ষণের জন্য অতিরিক্ত খরচ (যদি থাকে) ও আনুষংগিক খরচ বাবদ ভাতার ৫০%।
(২) অন্যান্য কর্মচারী	ভ্রমণ শ্রেণী	ঐ
খ-শ্রেণী	দুইটির বেশী শ্রেণী থাকিলে দ্বিতীয় শ্রেণী এবং শুধু দুইটি শ্রেণী থাকিলে উচ্চতর শ্রেণী।	প্রকৃত ভাতা ও আনুষংগিক খরচ বাবদ উক্ত ভাতার ৮০%।

কর্মচারীর শ্রেণী

স্রমণের শ্রেণী

স্রমণ ভাতা

গ-শ্রেণী

দুইটির বেশী শ্রেণী থাকিলে দ্বিতীয় শ্রেণী এবং শুধু দুইটি শ্রেণী থাকিলে নিম্নতর শ্রেণী।

প্রকৃত ভাড়া ও আনুষংগিক খরচ বাবদ উক্ত ভাড়ার ৮০%।

ঘ-শ্রেণী

নিম্নতম শ্রেণী

ঐ

তবে শর্ত থাকে যে, কর্মচারী রেলপথে বা স্ট্রিমারের যে শ্রেণীতে স্রমণ করিতে অধিকারী সেই শ্রেণীতে স্রমণ না করিয়া নিম্নতর কোন শ্রেণীতে স্রমণ করিলে বা তাহাকে নিম্নতর শ্রেণীতে স্রমণ করিতে হইলে, তিনি স্রমণ ভাতা বাবদ উক্ত শ্রেণীর প্রকৃত ভাড়া এবং যে শ্রেণীতে স্রমণের অধিকারী উপরোক্ত হারে সেই শ্রেণীর আনুষংগিক খরচ পাইবেন।

(২) সংশোধিত নূতন বেতন স্কেলের ৩৭০০—৪৮২৫ টাকা বা তদুর্ধ্ব বেতন ক্রমভুক্ত ক-শ্রেণীর কর্মচারী বাংলাদেশের অভ্যন্তরে বিমানের ইকনমি শ্রেণীতে স্রমণের অধিকারী হইবেন:

তবে শর্ত থাকে যে, বিশেষ পরিস্থিতিতে উপযুক্ত কর্তৃপক্ষ অনুমতি প্রদান করিলে অন্য কোন কর্মচারীও বিমানে স্রমণ করিতে পারিবেন।

(৩) বিমানে স্রমণজনিত দুর্ঘটনায় ঝুঁকির ব্যাপারে বিমানে স্রমণকারী কর্মচারীর কোন ব্যক্তিগত বীমা পলিসি না থাকিলে এবং অনুরূপ স্রমণের পূর্বে তিনি সেই মর্মে ঘোষণা প্রদান করিলে, প্রতিটি উড্ডয়নের জন্য বোর্ড এর খরচে অনধিক দুই লাখ টাকার বীমা পলিসির ব্যবস্থা করা যাইতে পারে।

(৪) সড়ক পথে কোন কর্মচারী স্রমণের ক্ষেত্রে, ভাড়া প্রদান করিতে হয় একইরূপ কোন যানবাহনে উক্ত কর্মচারী সড়ক পথে স্রমণ করিলে, বিধি ৭ ও ৮ এর বিধানাবলী সাপেক্ষে, তিনি নিম্নবর্ণিত হারে কিলোমিটার ভাতা পাইবেন বথা, :-

কর্মচারীর শ্রেণী

কিলোমিটার ভাতার হার

(প্রতি কিলোমিটার বা তাহার অংশের জন্য)

ক-শ্রেণী

১' ০০

খ-শ্রেণী

০' ৮০

গ-শ্রেণী

০' ৬০

ঘ-শ্রেণী

০' ৪০

ব্যাখ্যা—“সড়ক পথে স্রমণ” বলিতে নৌকা, বোট বা বহুচালিত নৌকাযোগে স্রমণ অন্তর্ভুক্ত হইবে।

(৫) কোন কর্মচারী বোর্ড এর কোন যানবাহনে বা বোর্ডি কর্তৃক ভাড়াভুক্ত বা অন্যবিধ-ভাবে সংগৃহীত যানবাহনে স্রমণ করিলে তিনি বিধি ৬(২) অনুসারে শুধুমাত্র দৈনিক ভাতা পাইবেন।

৫। দৈনিক ভাতা—(১) এই বিধির অন্যান্য বিধানাবলী সাপেক্ষে কোন কর্মচারী তাহান্ন হেড কোয়ার্টার হইতে ৮ কিলোমিটার ব্যাসার্ধের বাহিরে কোন স্থানে ভ্রমণ করিলে এবং এইরূপ ভ্রমণের কারণে হেড কোয়ার্টার হইতে তাহাকে অন্যান্য আট ঘণ্টাকাল অনুপস্থিত থাকিতে হইলে, উক্ত সময়ের ব্যয় নির্ধারণের জন্য তিনি নিম্নবর্ণিত হারে দৈনিক ভাতা পাইবেন :—

কর্মচারীর শ্রেণী	সাধারণ স্থানের দৈনিক ভাতার হার	ব্যয় বহুল স্থানের জন্য দৈনিক ভাতার হার।
ক-শ্রেণী(১) মাসিক মূল বেতন অনূর্ধ্ব ২৪০০ টাকার কম হইলে	৩২' ০০ টাকা	কলাম-২ এ উল্লেখিত হার ও উহার এক তৃতীয়াংশ।
(২) মাসিক মূল বেতন ২৪০০ টাকার বেশী কিন্তু ৩৬৯৯ টাকার বেশী না হইলে	৩৬' ০০ টাকা	ঐ
(৩) মাসিক মূল বেতন ৩৭০০ টাকা বা ততোধিক হইলে	৩৬' ০০" টাকা এবং ৩৭০০ টাকা বেতনের অতিরিক্ত প্রতি ১০০০ টাকা বা উহার অংশ বিশেষের জন্য ৮' ০০ টাকা।	ঐ
খ-শ্রেণী (১) মাসিক মূল বেতন ১২৫০ টাকা বা উহার বেশী কিন্তু ১৮৪৯ টাকার বেশী না হইলে	২৫' ০০	ঐ
(২) মাসিক মূল বেতন ১৮৫০ টাকা বা ততো-ধিক হইলে	২৫' ০০ টাকা এবং ১৮৫০ টাকা বেতনের অতিরিক্ত প্রতি ৫০০ টাকা বা উহার অংশ বিশেষের জন্য ৩' ০০ টাকা।	ঐ
গ-শ্রেণী	সর্বনিম্ন দৈনিক ভাতা ১০ টাকা সাপেক্ষে মাসিক মূল বেতনের প্রতি ২০০ টাকা বা উহার অংশ বিশেষের জন্য ৩' ৫০ টাকা।	ঐ
ঘ-শ্রেণী	১৫' ০০ টাকা	ঐ

(২) কোন কর্মচারী বোর্ড এর কোন যানবাহন বা বোর্ড কর্তৃক ভাড়াকৃত বা অন্যবিধভাবে সংগৃহীত যানবাহনে হেড কোয়ার্টার হইতে ৮ কিলোমিটার ব্যাসার্ধের বাহিরে কোন স্থানে ভ্রমণ করিলে এবং এইরূপ ভ্রমণের কারণে তাহাকে হেড কোয়ার্টার হইতে অন্যান্য আট ঘণ্টাকাল অনুপস্থিত থাকিতে হইলে তিনি উপ-বিধি(১)-এ নির্ধারিত দৈনিক ভাতা পাইবেন, এবং এইরূপ ক্ষেত্রে তিনি কোন কিলোমিটার ভাতা পাইবেন না।

(৩) ঋগড়াছড়ি, বাসরবন ও রাংগামাটি এলাকায় কোন কর্মচারীর ভ্রমণের ক্ষেত্রে তিনি সরকারী কর্মচারীগণের বেতার প্রযোজ্য বিধিমালা বা অন্যবিধ দিরাবালী, প্রয়োজনীয় অতি-বোজনসহ, অনুসারে দৈনিক ভাতা পাইবেন।

(৪) কোন কর্মচারী ভ্রমণকালে হেড কোয়ার্টার-এর বাহিরে দশ দিনের বেশী কিছু ৬০ দিনের বেশী নয় এইরূপ সময় অতিবাহিত করিলে তিনি, উপ-বিধি (১), (২) এবং (৩) এর বিধানাবলী সাপেক্ষে, নিম্নবর্ণিত হারে দৈনিক ভাতা পাইবেন :

- (ক) প্রথম দশ দিনের জন্য পূর্ণ হাবে,
- (খ) প্রথম দশ দিনের পরবর্তী বিশ দিন পর্যন্ত সময়ের জন্য পূর্ণ হারের তিন-চতুর্থাংশ,
- (গ) দশ (খ) তে উল্লেখিত সময়ের পরবর্তী ত্রিশ দিন সময়ের জন্য পূর্ণ হারের অর্ধেক হারে,
- (ঘ) ৬০ দিনের অতিরিক্ত সময়ব্যাপী অবস্থান করিলে তিনি কোন দৈনিক ভাতা পাইবেন না।

৬। দৈনিক ভাতার পরিবর্তে হোটেল খরচ—(১) ভ্রমণ কালে ব্যয়বহুল স্থানে অবস্থানের জন্য বোর্ড বা সরকার বা অন্য কোন স্থানীয় কর্তৃপক্ষের নিয়ন্ত্রণাধীন কোন অতিথিশালা, ডাক বাংলা বা সার্কিট হাউজ বা বিশ্রামশালায় স্থান সংকুলান না হইলে বোর্ড কর্তৃক নির্ধারিত হারে বা হোটেলের অবস্থানের প্রকৃত ভাড়া দুইয়ের মধ্যে যাহা কম এবং উক্ত সাধারণ দৈনিক ভাতার ৫০% প্রদান করা যাইতে পারে :

তবে শর্ত থাকে যে এই উপ-বিধির অধীনে নির্ধারিত হারের পরিমাণ দৈনিক ৮০০ টাকার বেশী হইবে না :

আরও শর্ত থাকে যে, উক্ত ভাড়ার মধ্যে সুরা জাতীয় বা হালকা পানীয়, লণ্ডী খরচ বা বখশীশ অন্তর্ভুক্ত হইবে না।

(২) উপ-বিধি-(১) এর অধীনে ভাড়া গ্রহণ করিতে হইলে, সংশ্লিষ্ট কর্মচারী ভ্রমণ ভাতা বিলে এই মর্মে প্রত্যয়ন করিবেন যে, তিনি বোর্ড বা সরকার বা কোন স্থানীয় কর্তৃপক্ষের নিয়ন্ত্রণাধীন কোন সার্কিট হাউজ বা ডাকবাংলা বা অতিথিশালায় বা বিশ্রামশালায় অবস্থানের সুবিধা পান নাই, এবং তিনি উক্ত বিলের সহিত হোটেল ভাড়া প্রদানের রসিদও দাখিল করিবেন।

৭। বদলীর ক্ষেত্রে ভ্রমণ ভাতা— এক কর্মস্থল হইতে অন্য কর্মস্থলে কোন কর্মচারীর বদলীর ক্ষেত্রে,—

(ক) তিনি রেলপথ বা প্লিমারে ভ্রমণ করিলে তাহার নিজের জন্য একটি প্রকৃত ভাড়া এবং তাহার প্রাপ্য শ্রেণীর অতিরিক্ত দুইটি ভাড়া প্রদান করা হইবে, এবং তাহার সংগে পরিবারের সদস্যগণ ভ্রমণ করিলে, প্রত্যেক পূর্ণ বয়স্ক ব্যক্তির জন্য একটি এবং শিশুর জন্য অর্ধেক ভাড়া প্রদান করা হইবে, এইরূপ ক্ষেত্রে প্রকৃত ভাড়া প্রদান করা হইবে এবং ইহা উক্ত কর্মচারী যে শ্রেণীতে ভ্রমণের অধিকারী তাহার অতিরিক্ত হইবে না,

(খ) তিনি সড়ক পথে ভ্রমণ করিলে তাহার নিজের জন্য এবং তাহার সহিত ভ্রমণকারী পরিবারের অনধিক দুইজন সদস্যের প্রকৃত ভাড়া এবং প্রত্যেকের জন্য একটি অতিরিক্ত ভাড়া প্রদান করা হইবে, এবং দুইজনের অধিক সদস্যের প্রত্যেকের জন্য একটি করিয়া প্রকৃত ভাড়া প্রদান করা হইবে,

- (গ) ব্যক্তিগত মালামাল পরিবহনের খরচ বাবদ সরকারী কর্মচারীদের ক্ষেত্রে প্রযোজ্য বিধিমালা বা নিয়মাবলী অনুসারে প্রকৃত পরিবহন খরচ এবং প্যাকিং খরচ প্রদান করা হইবে,
- (ঘ) তাহার পরিবারের সদস্যগণ উক্ত কর্মচারী কর্তৃক দায়িত্ব হস্তান্তরের পরবর্তী ছয় মাসের মধ্যে নূতন কর্মস্থলে পৌঁছাইলে বা বদলীর কালে পুরাতন কর্মস্থল হইতে অন্যত্র গমন করিলে দফা (খ) বা (গ) অনুসারে তাহার পুরাতন কর্মস্থল হইতে নূতন কর্মস্থল পর্যন্ত ভ্রমণ বাবদ প্রাপ্য ভাতা প্রদান করা হইবে।

৮। কিলোমিটার ভাতা ও উহা নির্ধারণের পদ্ধতি—(১) ভ্রমণের ব্যয় নির্বাহের উদ্দেশ্যে কিলোমিটার ভাতা প্রদান করা হইবে এবং যাত্রা আরম্ভের স্থান ও ভ্রমণ স্থানের দূরত্বের ভিত্তিতে উহা নিরূপিত হইবে।

(২) কিলোমিটার ভাতা নির্ধারণের উদ্দেশ্যে দুইটি স্থানের মধ্যে স্থলপ দূরত্ব বা অধিকতর সুবিধাজনক পথে ভ্রমণ অনুমোদন করা হইবে।

(৩) যে পথে স্থলপতম সময়ে ভ্রমণ করা যায় তাহাই স্থলপ দূরত্বের পথ বলিয়া গণ্য হইবে এবং এই ব্যাপারে কোন সন্দেহ থাকিলে উপযুক্ত কর্তৃপক্ষ তাহা নির্ধারণ করিবে।

(৪) কোন কর্মচারী স্থলপ দূরত্বের পথে ভ্রমণ না করিলেও উহা যদি স্থলপ ব্যয় সম্পন্ন হয় তাহা হইলে এইরূপ স্থলপ ব্যয় সম্পন্ন পথে ভ্রমণ বাবদ ভ্রমণ ভাতা দেওয়া যাইতে পারে।

(৫) ভ্রমণের স্থান রেলপথ বা ষ্টীমার দ্বারা সংযুক্ত হইলে কিলোমিটার ভাতা প্রদেয় হইবে না:

তবে শর্ত থাকে যে, রেলপথ বা ষ্টীমার যোগাযোগ থাকা সত্ত্বেও সড়ক পথে ভ্রমণ সংঘটিত হইলে উপযুক্ত কর্তৃপক্ষ রেল বা ষ্টীমারে ভ্রমণের ক্ষেত্রে প্রযোজ্য শ্রেণীর ভাড়ার অধিক নহে এইরূপ ভাতা মঞ্জুর করিতে পারেন।

৯। বিদেশে যাতায়াতের ভ্রমণ ভাতা—কোন কর্মচারী বিদেশে ভ্রমণ করিলে তিনি সরকারী কর্মচারীদের ক্ষেত্রে প্রযোজ্য বিধিমালা বা নিয়মাবলী, প্রয়োজনীয় অভিব্যোজনসহ, অনুসারে ভ্রমণ ভাতা পাইবেন।

১০। ভ্রমণ আদেশ—ভ্রমণে যাওয়ার পূর্বে সংশ্লিষ্ট কর্মচারী উপযুক্ত কর্তৃপক্ষের অনুমোদন সংগ্রহ করিবেন।

১১। ভ্রমণ আরম্ভ ও সমাপ্তি স্থান—উপযুক্ত কর্তৃপক্ষ ভিন্নরূপ সিদ্ধান্ত গ্রহণ না করিলে সাধারণতঃ সংশ্লিষ্ট কর্মচারীর হেড কোয়ার্টারকে ভ্রমণের আরম্ভ স্থল এবং ভ্রমণকারীর গন্তব্য স্থলকে ভ্রমণ সমাপ্তির স্থান হিসাবে গণ্য করা হইবে।

১২। ভ্রমণ ভাতা বিল পেশ করার সময়সীমা—(১) বদলী ব্যতীত অন্যান্য ভ্রমণের ক্ষেত্রে ভ্রমণ সমাপ্তির পর হেড কোয়ার্টারে প্রত্যাবর্তনের তারিখ হইতে ত্রিশ দিনের মধ্যে ভ্রমণ ভাতা বিল পেশ করিতে হইবে, তবে উপযুক্ত কর্তৃপক্ষ বিশেষ ক্ষেত্রে উক্ত সময়সীমা অনধিক দুইমাস পর্যন্ত বর্ধিত করিতে পারে।

(২) বদলীর ক্ষেত্রে পুরাতন কর্মস্থলের দায়িত্বভার হস্তান্তরের বা দায়িত্বমুক্ত (রিলিফ) হওয়ার ছয় মাসের মধ্যে ভ্রমণ-ভাতা বিল পেশ করিতে হইবে, তবে উপযুক্ত কর্তৃপক্ষ বিশেষ পরিস্থিতিতে উক্ত সময়সীমা তিন মাস পর্যন্ত বর্ধিত করিতে পারে।

(৩) উপ-বিধি (১) বা (২) এ নির্ধারিত সময়সীমার পর কোন ভ্রমণ ভাতা বিল পেশ করা হইলে উহা মঞ্জুর করা হইবে না।

১৩। অগ্রিম ভ্রমণ ভাতা ইত্যাদি—(১) উপযুক্ত কর্তৃপক্ষ ভ্রমণ আদেশের ভিত্তিতে সংশ্লিষ্ট কর্মচারীর প্রাপ্য আনুমানিক ভ্রমণ ভাতার অনধিক ৮০% অগ্রিম ভ্রমণ ভাতা মঞ্জুর করিতে পারে, এবং উক্ত অগ্রিম (Advance) সমন্বিত না হওয়া পর্যন্ত উক্ত কর্মচারীকে আর কোন অগ্রিম ভ্রমণ ভাতা দেওয়া হইবে না।

(২) বদলীর ক্ষেত্রে উপ-বিধি (১) এ উল্লেখিত হারে অগ্রিম ভ্রমণ ভাতা ছাড়াও সংশ্লিষ্ট কর্মচারীকে তাহার এক মাসের মূল বেতনের সমপরিমাণ অর্থ অগ্রিম প্রদান করা বাইবে, এবং সংশ্লিষ্ট কর্মচারী নূতন কর্মস্থলে যোগদান করিলে তিনটি সমান কিস্তিতে তাহার মাসিক বেতন হইতে উক্ত অগ্রিম কর্তন করা হইবে।

১৪। আসন সংরক্ষণ বাতিল ইত্যাদি—কোন ভ্রমণের ক্ষেত্রে ভ্রমণ সূচী পরিবর্তনের কারণে ভ্রমণকারীকে তাহার সংরক্ষিত আসন বাতিল করিতে হইলে এবং উক্ত বাতিলকরণের ফলে কোন অর্থ কর্তন করা হইলে, উপযুক্ত কর্তৃপক্ষ উক্তরূপ বাতিলের পরিস্থিতি বিবেচনা করিয়া, কর্তনকৃত অর্থকে ভ্রমণ-ভাতার অংশ গণ্য করিয়া ভ্রমণ ভাতা মঞ্জুর করিতে পারে।

১৫। স্থায়ী ভ্রমণ-ভাতা—এই বিধিমালার অন্যান্য বিধানাবলীতে বাহা কিছুই থাকুক না কেন, যে সকল স্থায়ী কর্মচারীকে সাধারণতঃ ব্যাপকভাবে ভ্রমণ করিতে হয়, সেই সকল কর্মচারীর জন্য বোর্ড সরকারের পূর্ব অনুমোদনক্রমে, লিখিত আদেশ দ্বারা মাসিক ভিত্তিতে স্থায়ী ভ্রমণ ভাতা নির্ধারণ করিতে পারে।

১৬। পার্বত্য চট্টগ্রাম এলাকার ভ্রমণের ক্ষেত্রে ভ্রমণ ভাতা—কোন কর্মচারী ঝাংড়াছড়ি, বাঙ্গরবন ও রাংগামাটি এলাকার ভ্রমণ করিলে তাহাকে সরকারী কর্মচারীগণের বেনামে প্রযোজ্য বিধিমালা বা অন্যবিধ নিয়মাবলী, প্রয়োজনীয় অভিযোজনসহ, অনুসারে ভ্রমণ-ভাতা প্রদান করা হইবে।

১৭। ভ্রমণ ভাতা বিলের করম—বোর্ড লিখিত আদেশ দ্বারা ভ্রমণ ভাতা ফিলের করম এবং উহা উপযুক্ত কর্তৃপক্ষের নিকট দাখিলের পদ্ধতিও নির্ধারণ করিতে পারিবে।

১৮। উপযুক্ত কর্তৃপক্ষের ক্ষমতা, ইত্যাদি—(১) উপযুক্ত কর্তৃপক্ষ কর্তৃক ভ্রমণ ভাতা বিল অনুমোদিত না হইলে কোন কর্মচারীর ভ্রমণ ভাতা বাবদ প্রাপ্য অর্থ প্রদেয় হইবে না।

(২) ভ্রমণ ভাতা বিল অনুমোদনের সময় উপযুক্ত কর্তৃপক্ষ ভ্রমণ ভাতা বিলে প্রদত্ত সকল তথ্য, দাবীকৃত অর্থের বর্ধিততা এই বিধিমালার বিধানাবলী দৃষ্টে পরীক্ষা করিবে এবং প্রয়োজনবোধে বিলে প্রদত্ত তথ্য সম্পর্কিত প্রয়োজনীয় বা অন্যবিধ তথ্য প্রদান তলব করিতে অথবা কারণ লিপিবদ্ধ করিয়া ভ্রমণ ভাতা বিল সংশোধনের নির্দেশ দিতে বা উহা আংশিক বা সম্পূর্ণরূপে নাকচ করিতে বা দাবীকৃত অর্থের পরিমাণ হ্রাস করিতে পারিবে।

১৯। আদালত ইত্যাদিতে সাক্ষ্য প্রদানের ক্ষেত্রে ভ্রমণ ভাতা—ফোন আদালত, টুইবুয়ান্স বা অনুরূপ কর্তৃপক্ষের সম্মুখে সাক্ষ্য প্রদানের জন্য কোন কর্মচারী ব্রহণ করিলে এবং এজন্য ক্ষেত্রে তিনি উক্ত আদালত, টুইবুয়ান্স বা কর্তৃপক্ষের নিকট হইতে কোন অর্থ গ্রহণ করিলে তিনি কোন ভ্রমণ ভাতা পাইবেন না।

২০। অসুবিধা দূরীকরণ—ভ্রমণ সংক্রান্ত কোন বিষয়ে এই বিধিমালায় অপর্দীপ্ত বিধায় থাকিলে সরকারী কর্মচারীগণের ক্ষেত্রে প্রযোজ্য বিধিমালা বা অন্যবিধ নিয়মাবলী, প্রয়োজনীয় অভিযোজনসহ, অনুসরণ করিতে হইবে, এবং কোন বিষয়ে এইরূপ বিধিমালা বা নিয়মাবলী অনুসারে অসুবিধা দেখা দিলে, সরকারের কোন সাধারণ বা বিশেষ নির্দেশ সাপেক্ষে উক্ত বিষয়ে বোর্ড প্রয়োজনীয় সিদ্ধান্ত গ্রহণ করিতে পারিবে এবং উক্তরূপ সিদ্ধান্ত চূড়ান্ত হইবে।

রাষ্ট্রপতির আদেশক্রমে

বি. এ. খান  
উপ-সচিব।